

家藏蒙筌

一七

责任编辑 郝恩恩

图书在版编目 (CIP) 数据

家藏蒙筌 / (清) 王世钟著. — 北京: 中医古籍出版社, 2001.1

(中医古籍孤本大全/中医古籍孤本大全选编工作委员会选编)

ISBN 7-80013-955-7

I. 家… II. 王… III. 中国医药学—中国—清代
IV. R2-52

中国版本图书馆 CIP 数据核字 (2000) 第 54220 号

家藏蒙筌

清·王世钟 著

(《中医古籍孤本大全》)

中医古籍出版社出版发行

(北京东直门内北新仓 18 号 100700)

全国各地新华书店经销

金坛市古籍精装印务有限公司印刷

2001 年 1 月第 1 版 2001 年 1 月第 1 次印刷

印数: 001~200 册

ISBN 7-80013-955-7/R·951

定价: 1380.00 元

家藏蒙筌卷之十六

本草下卷目錄

後王世鍾小溪氏纂輯男廸哲久瑞訂校

栲殼

枳實

栢子仁

蔓荊子

五加皮

川楝子

女貞子

桑白皮

桑寄生

黃栢

梔子

郁李仁

訶子

側栢葉

辛夷

皂角

皂角刺

巴豆

蜜蒙花

雷丸

大楓子

蕪荑

茯苓

茯神

猪苓

琥珀

松香

松節

乳香

沒藥

阿魏

樟腦

龍腦

血竭

蘆薈

乾漆

蘇合油

麥芽

神麴

孩兒茶
白扁豆
薏苡仁
錄豆
栗殼

麻仁
芡實
杏仁
桃仁
木瓜
陳皮

青皮
檳榔
烏梅
山楂
甜瓜蒂
大腹皮

吳茱萸
山藥
乾薑
生薑
大茴香
小茴香

白芥子
蘿蔔子
火葱白
蒜
韭菜
韭子

百合
蒲公英
金銀
水銀
輕粉

銅青
朱砂
銀硃
靈砂
硫黃
雄黃

白然銅
黃丹
石膏
白礬
石腹
爐甘石

蓬砂
水粉
蜜陀僧
滑石
青礞石
芒硝

玄明粉
海石
花藍石
代赭石
礪砂

青鹽

石灰

雞鴨

虎骨

象牙

鹿角膠

鹿茸

犀角

羚羊角

牛黃

阿膠

熊胆

麝香

龍官

海螵蛸

牡蠣

穿山甲

青魚胆

白花蛇

真珠

龜板

礞石

蟾蜍

水蛭

驚甲

蜈蚣

蟬蛻

斑蝥

蜂房

五靈脂

全蝎

文蛤

百藥煎

蝸牛

蚯蚓

桑螵蛸

童便

血餘

紫河車

人中白

降真香

海銅皮

麩仁

學臍

覆盆子

榧子

枇杷葉

白果

橄欖

蓮米

蓮蓬鬚

藕

藕節

荷葉

荔枝

荔枝核

龍眼

胡桃

紅棗

馬櫛榔

狗脊

百部

浮萍

商陸

石葦

胡盧巴

鸛虱

貫衆

脂麻

石蓮子

甘蔗

沙糖

飴糖

蜂蜜

黃蜡

猪

犬

羊

牛

鯉魚

鯽魚

鱔魚

鰻鱺

豇豆

刀豆

茄

冬瓜

南瓜

絲瓜

枳殼

氣味苦辛可升可降陰中陽也卽枳實之遲收而大者較之枳實其氣略散性亦稍緩枳實小而重多主下行削堅枳殼大而輕多主上行利氣止嘔逆反胃霍亂欬嗽消痰消食破心腹結氣惟利肺氣之有餘寬大腸之壅滯陳者良麤炒用

枳實

與枳殼一物也大者爲枳殼小者爲枳實小則性速如少年猛悍一往直前主下行血凡心腹脹滿宿食堅積痼痰積癰有破滯削堅之功倒壁衝墻之捷同白朮可治虛痞

之患佐大黃立解便秘之危但勿輕用以傷元氣

按枳殼枳實上世未常分別自東垣分枳殼治上枳實治下海藏分枳殼主氣枳實主血然究其功用皆利氣也氣利則痰消積化似亦不必分矣惟枳實性急枳殼性緩乃確論也

栝子仁

味甘平而潤其氣清香能透心腎而悅脾養心氣潤腎燥助脾滋肝益智寧神聰明耳目益血止汗除風濕愈驚癇定怔忡澤膚皮辟鬼邪微炒槌去油用

蔓荊子

味苦辛微溫氣清味薄浮而升陽也入足太陽陽明厥陰經治筋骨間寒熱療濕痺拘攣理本經頭痛頭沉昏悶利

關節止腦鳴通九竅搜肝風明目止淚齒痛可堅若胃虛及血虛頭痛者不宜用打碎用或酒炒用

五加皮

味辛溫無毒入足少陰厥陰經逐皮筋瘀血去脚膝風療痺五緩痿躄腰脊疼痛疝氣腹疼堅筋骨強志意小兒骨軟行遲女人陰痒男子陽痿小便遺瀝可止陰蝕能除輕身延年長生不老凡諸浸酒藥惟五加皮與酒相合大能益人故昔人云寧得一把五加不用金銀滿車

川棟子一名金鈴子

味苦性寒有小毒陰也能入肝舒筋能導小腸膀胱之熱

因引心包相火下行通利小便爲疝氣要藥亦治傷寒熱
狂腹痛殺三虫療瘍疥若用根殺虵虫更妙用醋磨塗疥
瘡亦良酒蒸去皮核取肉用

女貞子

味苦性涼陰也降也能養陰氣平陰火解煩熱骨蒸止虛
汗消渴清肝明目此藥味苦入腎故能遂其欲堅之性補
滋腎水若陰分虛寒者禁用

桑白皮

味甘微辛微苦氣寒可升可降陽中陰也入手太陰經瀉
肺火利二便散瘀血下氣行水止嗽清痰治肺熱喘滿唾

血熱渴水脹臃脹大抵瀉有餘此其長補不足此其短所以有性不純良不宜多服之戒若肺氣虛而小便多即風寒作嗽者悉宜慎用爲線可縫金瘡忌鐵

○桑椹乃桑之精華所結味甘氣涼爲益血除熱養陰之藥水虧而虛火盛者收採晒乾酌加滋補之藥蜜和爲丸服之利關竅安神聰耳明目生津止渴久服不饑變白不老

○桑葉乃手足陽明之藥煎汁代茗能止消渴震亨曰取經霜桑葉研末米飲調服止盜汗神效又可治勞熱欬嗽取經霜者煎湯洗眼去風淚絕昏暗和鹽少許搗敷蛇虫咬毒搗爛蒸熱罨撲損瘀凝

桑寄生

味甘性涼女子血熱崩中胎漏能固血安胎去風熱濕痺
療腰膝疼痛助筋骨益血脉長鬚眉堅髮齒乃風濕攣疼
之要藥也

黃栢

味苦性寒微辛氣味俱厚陰中之陽降也入足少陰經爲
足太陽引經藥瀉膀胱相火滋腎水不足堅腎潤燥除濕
清熱療下焦伏火骨蒸勞熱諸痿癱瘓目熱赤痛消渴便
閉腸風熱痢女人紅崩口瘡喉痺諸瘡赤痛一切伏火內
熱悉宜用之此藥得知母滋陰降火得蒼朮除濕清熱爲

治痿要藥得細辛瀉膀胱火治口舌生瘡昔人謂其補腎者非真能補也蓋以腎屬水水虛則熱此藥能去腎中邪熱邪熱去則陰不受傷故曰補耳然必尺脈洪大按之有力乃可暫用湏知此藥只利於實熱而不利於虛熱故景岳謂水未枯而火盛者用以抽新則可若水既竭而涸熱者用以補陰則不可當局者慎勿認爲補劑藥川產肉厚色深者佳生用降實火蜜炙不傷胃炒黑能止血酒製治上焦病蜜製治中焦病鹽製治下焦病爲末水調敷火毒乳調敷凍瘡若瘡爛淋漓用乾末搽之

梔子

味苦氣寒氣薄味厚輕清上行氣浮而味降陰中有陽入
手太陰手少陰足陽明用瀉心肺之邪熱使之屈曲下行
從小便出而三焦之鬱火以解熱厥心痛以平吐衄血淋
血痢之病以息治心煩懊懣不眠五黃五淋亡血津枯口
渴目赤紫癰赤癩皰鼓瘡瘍一切有餘火熱之病皆所宜
用如治實熱同三黃之類宜生用如治鼻衄肺熱同生地
丹皮之類宜炒黑用如劫胃腕火痛宜薑汁拌炒用裏熱
用仁表熱用皮

郁李仁

味苦辛陰中有陽性潤而善降下入足太陰手陽明太陽

經下氣利水消一身水氣浮腫破血潤燥療關格大便不通大人小兒實熱結燥皆可用之乃治標救急之劑若燥若燥結由於津液不足者又當忌之取仁去皮尖水浸一時研細用宋史錢乙傳云一婦因恐而病既愈目張不得瞑乙曰煮郁李酒飲之使微醉卽愈所以然者目系內連肝胆恐則氣結胆橫不下郁李能去結隨酒入胆結去胆下則目能瞑矣此蓋昔槩之妙者也

訶子

味苦酸澁氣溫苦重酸輕性沉而降陰也治冷氣腹脹止嘔吐霍亂定喘止嗽久痢不已腸風崩帶消痰下氣並患

痢人肛門急痛產婦陰痛和蠟燒烟薰之或煎湯薰洗亦
可有六稜黑色肉厚者佳清金行氣生用溫胃固腸煨熟
用取肉去核時珍曰訶子同烏梅五倍子用則收斂同橘
皮厚樸用則下氣同人參用則能補肺治欬嗽東垣云嗽
藥不用者非矣但欬嗽未久者不可驟用耳

側柏葉

味苦瀋氣頗辛性微寒養陰滋肺清血涼血止吐血衄血
痢血尿血崩中赤白去濕痺生肌治冷風歷節疼痛又搗
末水調可敷湯火損傷止血炒黑用

辛夷

一名木筆一名迎春

味辛氣溫浮而散陽也入手太陰足陽明經能助胃中清
陽上行通於頭腦溫中解肌通竅利關治面腫引齒痛眩
冒及鼻淵鼻鼽鼻窒鼻瘡並痘後鼻瘡俱宜爲末入麝香
少許以葱白蘸藥點入數次甚良蓋此藥能除頭面肌肉
皮毛之風邪氣虛火盛者不宜服去外皮毛微炒用

皂角

氣味辛鹹性溫有小毒善逐風痰利九竅通關節治頭風
殺諸虫除心腹結氣疼痛脹滿開中風口噤療咽喉痺塞
通大腸秘結墮胎破堅癥消腫毒及風癬疥癩燒爛薰脫
肛腫痛只可爲丸散不宜入湯藥